

牧

津

牧津卷之三十二目

察奸

趙廣漢

周紆

二見

方儲

孔奭

國淵

莊遵

李奉基

陸雲

任城王潛

彭城王淑

張騫

韋鼎

武行德

高謙之

張詠 十見

包孝肅公拯 二見

范純仁 三見

李南公

呂元膺 二見

周審玉

路伯通

王安禮

薛向

何執中

石公弼

任顥

張杲卿

張逸

俞獻卿

孫長卿

李 縉

劉徽柔

張田

閻從

李疇

王受

韓彥古

劉元瑜

李完

貢師泰

江濟

汪澤民

馬裕齋

周崑

殷雲霄

雍泰  
二見

李亨

甯直

劉麟

戚賢

鄭洛書

馬文煒

郭彭祥

文林

王士嘉

牧津卷之三十二

察奸

明山陰祁承燦輯

趙廣漢

趙廣漢爲京兆尹，凡郡中盜賊閭里輕俠，其根株窟穴所在，及吏受取請求，銖兩之姦，皆知之。長安少年數人，會窮里空舍，謀共劫人，坐話未訖，廣漢使吏捕治，具服。富人蘇回爲郎，二人劫之，有頃，廣漢將吏到家，自立廷下，使長安丞龔奢叩堂戶曉賊曰：「京兆尹趙君謝兩卿，無得殺。」

質○此○宿○衛○臣○也○釋○質○束○手○得○善○相○遇○幸○逢○赦○令○  
或○時○解○脫○二○人○驚○愕○又○素○聞○廣○漢○名○卽○開○戶○出○  
下○堂○叩○頭○廣○漢○跪○謝○曰○幸○全○活○郎○甚○厚○送○獄○敕○  
吏○謹○遇○酒○肉○至○冬○當○出○死○豫○爲○調○棺○給○斂○葬○具○  
告○語○之○皆○曰○死○無○所○恨○廣○漢○嘗○記○召○湖○都○亭○長○  
西○至○界○上○界○上○亭○長○戲○曰○至○府○爲○我○多○謝○問○趙○  
君○亭○長○旣○至○廣○漢○與○語○問○事○畢○謂○曰○界○上○亭○長○  
寄○聲○謝○我○何○以○不○爲○致○問○亭○長○叩○頭○服○實○有○之○  
廣○漢○因○曰○還○爲○吾○謝○界○上○亭○長○勉○思○職○事○有○

自効京兆。不忘卿厚意。其發姦。擿伏如神。皆此類也。又奉請令長安游徼獄吏秩百石。其後百石吏皆羞自重。不敢枉法妄繫留人。京兆政清吏民稱之。不容口。長老傳以爲自漢興以來莫能及。

擿發如神不難。而令盜賊死無所恨。爲難。廣漢滿腔精神。無所不注。方得爾爾。

### 周紆

周紆爲召陵侯相。庭掾憚紆嚴明。欲損其威。乃



晨取死人、斷手足、立寺門、紉聞、便往至死人邊、  
若與死人共語狀、陰察口眼有稻芒、乃密問守  
門人曰、夕誰載藁入城者、對惟有庭掾耳、又問  
鈴下、外頗有疑、令與死人語者否、對曰、庭掾疑  
君、乃收庭掾考問、具服、後人莫敢欺者、

載藁入城、自足發奸、何至陽與死人語、作  
此伎倆、

方儲

方儲爲洛陽令、功曹竇憲客、爲憲所諷、夜殺人

斷頭著奩中、置廐門下、欲令儲去官、儲摩死、考耳邊、問誰所殺、有頃曰、死人言爲功曹所殺、收功曹拷、竟具服、

用小術與周紆同、然已預知爲功曹所殺矣、

### 孔奕

孔奕爲全椒令、明察過人、時有遺之酒者、始提入門、奕遙呵之曰、人餉我兩甌酒、其一何故非也、檢視一甌果是水、或問奕何以知之、奕曰、酒

重水輕提酒者、手有輕重故耳、在官有惠化、及卒、市人若喪慈親焉、

在官有惠化、豈以一察爲明者、餉酒之呵、特偶然耳、

國淵

國淵初從魏太祖征關中、爲居府長史、統留守事、田銀蘇伯反河間、銀等破、餘黨皆應伏法、淵以爲非首惡、請不行刑、得生者千餘人、破賊文書、或以一爲十、及淵上首級如其實數、太祖問

其故淵曰夫征討外寇多其獲之數者欲以大武功且示民聽也河間在封域之內銀等叛逆雖克捷有功淵竊恥之遷郡太守時有投書誹謗太祖疾之欲知其主淵請留書而不宣露其書多引二京賦淵敕功曹曰此郡旣大今在都輦而少學問者其簡開解年少欲遣就師訓以所學未及二京賦博物之書也世人忽畧少有其師可求能讀者促受之又密喻旨旬日得能讀者遂往受業吏因請使作箋比方其書與投

書人同手、收攝案問、具得情理、遷太僕居列卿位、布衣蔬食、祿賜散之、舊故宗族以恭儉自守、上首功故多僞增、國淵之對、深爲識體、安有封域之內、可以誅戮侈功者、觀其列卿位而布衣蔬食、祿賜散之、故舊宗族、蓋一廉靖之士、故所見深遠若此。

莊遵

揚州刺史莊遵、性明察、有陽陵女子、與人殺其夫、叔覺來赴賊、女子乃以血塗叔、因大呼曰、柰

何欲私於我而殺其兄，便卽告官。官司考掠其叔，大過因而自誣。遵謂吏曰：叔爲大逆，速寘於法，可放嫂歸。密令人夜中於嫂壁下聽。其夜姦夫果來，問曰：刺史明察，見叔寧疑之耶？嫂曰：不疑。因相與大喜。吏擒之，送獄。叔遂獲免，又行部。聞女子哭聲，懼而不哀，駐車問之。云：夫遭火死，遵疑焉，敕吏與屍到，令人守之。曰：當有物自往。吏白有蠅聚頭所，遵令檢視，得鐵錐貫腦。考問，乃此婦與姦夫共殺。三夫案伏其罪。

血而汚叔，懼三不哀，兩者之情易曉，但不知莊遵有何術，便知有物當自往耶。

李季基

李季基知舒州，吏受賂鬻獄，以殺人罪加平民。季基劾治，三日得其情，乃抵吏罪。

非三日亦未便得情，所以斷獄不可出三日。心乘。

陸雲

陸雲爲浚儀令，人有見殺者，主名不立。

妻而無所問。十許日遣出。密令人隨後曰。其去  
不○出○十○里○當○有○男○子○候○之○與○語○便○縛○來○既○而○果  
然。問之具服。云與此妻通。共殺其夫。聞妻得出。  
欲與語。憚近縣。故遠相邀候。於是一縣稱爲神  
明。

夫被殺而主名不立。其故自屬妻。妙在錄  
其妻而不問。又妙在於十里外跡之。

### 任城王湝

任城王湝。領并州刺史。有婦人臨汾水浣衣。有



乘馬行人換其新靴馳而去婦人持故靴詣州  
言之潛召居城諸嫗以靴示之給曰有乘馬人  
于路被賊劫害遺此靴焉得無親屬乎一嫗撫  
膺哭曰兒昨着此靴向妻家也捕而獲之時稱  
明察

惜哉止鉤得一老嫗

彭城王洸

彭城王洸爲滄州刺史纖芥知人問事有淫妄  
縣主簿張達嘗詣州夜投人舍食雞羹洸察知

之守令畢集。波對衆曰：「食雞羹，何不償還值也。」  
達卽伏罪，合境號爲神明。

用察殊小

張鷟

張鷟爲河陽尉，有呂元者，僞作倉督馮忱書，盜  
糶官粟。忱不認，元執之堅，久不能決。鷟乃取元  
告牒，括兩頭惟留一字，問元：「是卽注云是，不是  
卽注云非。」乃取原牒問之。元注云非，去括乃是。  
元告牒遂決五十。又取僞書括字問之，元注云

是去括乃是偽作馮忱書也元遂服罪  
辨奸之中亦得更趨

### 草鼎

韋鼎除光州刺史以仁義教導務弘清靜州中  
有土豪外修邊幅而內行不軌常劫盜鼎於都  
會時謂之曰卿是好人那忽作賊因條其徒黨  
奸謀其人驚懼卽自前伏又有人客游通王  
妾及還妾盜珍物投之尋於草中爲人所殺  
家因告客殺之縣司鞠問具得姦狀斷客

成上州鼎覽之曰此客實姦而不殺也乃某僧  
詒姦盜物令奴殺之賊在某處卽放此客遣人  
撩僧并獲贓物自是郡內肅清道無拾遺

客姦而不殺其情易辨然滑之詒姦何以  
前知

### 武行德

武行德遷河南尹西京留守時官禁鹽入城犯  
者法至死募告者賞錢十萬洛陽縣民家嫗持  
菜入城中賣有桑門從嫗買少償其直取菜反

覆顧視而去。嬖既不售，持入城門，抱關者搜宮中得鹽，擒以詣府。行德詰嫗，嫗言桑門嘗買菜，顧視良久而去，卽令捕桑門，具伏與抱關吏相結，以鹽誣嫗，欲希其實。行德釋嫗，治桑門及抱關吏數輩，人皆畏服若神明，都下清肅。

只以賞錢之厚，下人反至作奸，所以上之舉動，不可不慎。

### 高謙之

高謙之襲父爵，行河陰令，先是有人囊盛瓦礫，

指作銀幣。許市人馬因而逃去。詔令追捕必得。以聞。謙之乃僞枷一囚立於馬市。宣言是前詐市馬賊。今欲刑之。密遣腹心察市中私議者。有二人相見。忻然曰。無復憂矣。執送案問。悉獲其黨。并出前後盜處失物之家。各得其本物。具以狀告。尋正河陰令。

鈞索真賊。此法頗佳。

張詠

張詠知江寧府。有胥隙驪出憑。詠據案熟視久。

夜聿察奸。

卷三十三

七

之判送司理院勘殺人賊翌日羣官聚廳不曉其故詠乃召問爲僧幾年對曰七年又問何故額有繫巾痕卽惶怖服罪蓋一民與僧同行於道中殺之取其祠部戒牒自披剃爲僧也

乖崖作用每出人意表然於據案熟視時已得其情

包孝肅公拯

包孝肅公拯知揚州天長縣有訴盜割牛舌者拯使歸屠其牛鬻之旣而有告私殺牛者拯曰

何爲割其家牛舌而又告之盜者驚伏  
綱紀聞者皆憚至於閭里童稚婦女亦知其名  
貴戚宦官爲之斂手舊制凡訟訴不得逕造府  
吏坐門先收訟牒謂之牌司拯卽命大開衙門  
使徑至庭下自道曲直吏民不敢欺  
使訴訟徑得至庭下便民更妙於察奸

### 范忠宣公

范忠宣公純仁知齊州錄事叅軍宋僖年中毒  
暴卒純仁得罪人置於法初宋因會客罷是夜



門下人遽以疾告，純仁遣家人子弟視其喪事。宋小殮，口鼻血出，漫汙幘帛。純仁疑其死不以理，果爲寵妾與小吏爲奸，付有司按治。具伏因會客置毒在鱉肉中，純仁曰：「肉在第幾巡？」豈有中毒而能終席耶？命再劾之。儋年果不嗜鱉肉，爲坐客所并，乃客散醉歸，置毒酒盃中而殺之。罪人覲他日，獄變爲逃死之計，人以爲公發擿，姦伏如神明。

均之中毒而緩急後先，獄情所關不淺，折

獄者不可無忠宣之細心密體、

李南公

李南公爲河北提刑、有班行犯罪下獄、按之不  
服、閉口不食者四十餘日、獄吏不敢拷訊、南公  
曰、吾能立使之食、引出問曰、吾以一物塞汝鼻、  
汝能終不食乎、其人懼、卽食、因具服罪、蓋彼善  
服氣、以物塞鼻、則氣結、故懼、此亦博聞之效、

窮奸之道、不可不博聞、

呂元膺

呂元膺爲蘄州刺史頗著恩信嘗歲終閱郡囚  
囚有自告者曰某有父母在明日元正不得相  
見因泣下元膺憫焉盡脫其械縱之與期守吏  
曰賊不可縱元膺曰吾以忠信待之及期無後  
到者鎮岳陽出遊乃登高阜瞰原野忽見有喪  
舉者駐道左男子五人皆縗服隨之元膺曰遠  
葬則休近葬則省皆奸黨爲詐也乃令左右搜  
索之棺木皆刃衆曰某等不省而盜謀過江掠  
貨假有此舉渡者不疑元膺令劾之則同黨數

十先彼岸期集矣

忠信待人者而能察盜於隱形潛跡之間  
胸次固有識

周審玉

周審玉知鳳翔府有桑門乘傳而西以市木爲  
名威動府縣審玉曰此有所倚而爲也因按詰  
之盡得其奸狀杖其背械送闕下

乘傳之詐僞百出司牧者故當時爲覺察  
路伯通

路伯通爲原武令，有種瓜者，一夕爲人盡鋤其苗。詣伯通陳告，無明証，遣之。翌日托以他用，命種瓜隣近村莊，盡借所有之鋤，各書姓名，潛使人吮其鋤，果有苦味者，捕獲遂伏罪。

### 小察

### 王安禮

王安禮爲開封尹，時京城邏者連得匿名書，告人不軌，所抄百餘家，帝付安禮亟治之。安禮驗所指畧同，其後一書加三人，有姓薛者，安禮喜。

曰：「吾得之矣。」呼問薛，若豈有素不快者耶？三府  
執筆來，管者拒之，鞅鞅視其意，似見衙，卽命  
訊，果其所爲，卽梟首於市，不逮一人。又有匿名  
書，誣告一富家逆謀者，有旨根治，安禮搜驗，富  
家無跡，因詢有舊怨乎？荅數日前有鬻牀人馬  
生，嘗有所貸，弗與，頗積怨言，乃密以他事給馬  
生，對欸，卽取謗書字校之，畧無少異同，而訊鞠  
其事，果爲生所作，京師號爲神明。

安禮兩訊匿名，妙不在摘奸之明，而妙在

卷三十二  
不逮一人、

薛向

薛向初爲京兆戶曹、兼監商稅、有賈胡過稅務、  
出銀二篋、書其上曰、密使遺涇源都監、向曰、此  
決僞也、安有大臣餉人物而使賈胡致之、執詣  
府治之、果伏其詐、

賈胡之作僞易曉、

何執中

何執中官台州、州獲妖人、勘鞠久不得情、或曰、

何處州人必能察其虛實乃委之訊何以難  
問之能識其名則是非而置羊角其中餘皆  
之至角則閉不肯言遂決其獄曰是爲師張角  
諱耳

妖黨之奉師諱何甚謹也一入名籍嚴於  
事神明而敢于嘗國法今邪教滿天下芟  
之實繁察之猶易如此訊法所當悉知

石公弼

石公弼爲漣水丞供傳高公備綱舟行淮以溺

改律

察奸

卷三十二

古



告公弼曰。數日無風。安有是。使尉核其所載。錢失百萬。呼舟人物色之。乃公備竊官錢。故詭爲此說。卽收捕窮治。皆伏辜。

以風辨溺。自無遁情。

任頴

任頴知潭州。宣撫司以宣毅卒有功。檄補軍校。察其色動。曰。必有異志。執按之。具伏爲賊內應。蒐其家。得所記潭事甚悉。梟首以徇。

定亂自在察微。

張杲卿

張杲卿知潤州，有婦人夫出外數日不歸，忽有人報菜園井中有死人，婦驚往視，號哭曰：「吾夫也。」遂以聞官。杲卿命集隣里就井驗，是其夫與不衆，皆以井深不可辨，請出屍驗之。杲卿曰：「衆皆不能辨，婦獨何以知其爲夫？」收付所司鞠問，果姦人殺其夫，婦與其謀。

此婦人淺於爲奸，故其事易剖。

張逸

牧津

察奸

卷三十二

金

張逸知青神縣東南有松栢灘夏秋暴漲多覆舟逸禱江神不踰月灘爲徙五里時人異之以樞密直學士知益州華陽騶長殺人誣道傍行者縣令受財獄旣具乃使殺人者守囚逸曰囚色寬守者氣不直豈守者殺人乎囚始敢言而守者果服立誅之蜀人以爲神

囚色寬守者氣不直惟深心者能察之

### 俞獻卿

俞獻卿爲安豐縣尉有僧貴寧積財甚厚其徒

殺之、詣縣給言師出遊矣、  
告而去、豈有異乎、其徒色動、因執之、得其所、  
屍、一縣大驚、

此僧殺師之情、不必辨於色動之際、卽詣  
縣言師出遊、其情便露、

### 孫長卿

孫長卿知和州、民有訴弟爲人所殺、察其言不  
情、迺問汝戶幾等、曰、上等、汝家幾人、曰、二人、曰  
殺弟者兄也、豈將併有其貲乎、訊之果服、

惟察其言不情、故得其死弟之情、

李繹

李繹知華州、蒲城民李蘊訴人盜其從子亡去、  
繹問曰、若有、警耶、曰、無有、曰、有亡失耶、曰、無有、  
繹揮蘊去、因密刺蘊、蘊有陰罪、侄覺之、懼事暴、  
殺之以滅口、遂收蘊致法、

盜物者、必不盜人子女、李蘊之訴大愚、繹  
亦緣情而斷、自能得情、

劉徹柔

劉微柔明敏善聽斷遷洪洞令縣人移遠者投  
牒於縣以爲夜雨屋壞壓其侄死號訴哀切微  
柔熟視而笑曰汝利侄財而殺之乃誣雨耶叱  
付獄其人立伏曰公神明也不敢延死遂置於  
法

當在熟視時已得其僞

張田

張田知廣州廣舊無外郭田始築東城賦功五  
十萬役人相驚以白虎夜出田述知其僞召邏

者戒曰、今日有白衣人出入林間者、謹捕之、如言而獲、

嘉靖中、京師有物夜出、毛身利爪、人獨行遇之、往往棄所携物、駭而走、督捕者疑其偽、密遣健卒詐爲行人、提衣囊夜行、果復出、掩之、乃盜者蒙黑羊皮、着鐵爪於手、乘夜恐嚇人以取物、事與此同、

閻從

閻從爲新安縣尉、縣有鬻麥商爲賊所殺、莫知

三名從因集吏民至屍旁諷聽忽一人呼曰立命卒引詰之賊遂服嘗於道中遇貴人必避若貴遊者從曰此巨盜也邏致之果得其實都境稱爲神明

詰屏樹而立之蠢盜易辨騶從貴遊之巨盜難

### 李疇

李疇爲開封府推官宦者李允良訴其叔父死疑爲讐家所毒請發棺驗視衆欲許之疇獨不



物。可。曰。苟。無。實。是。無。故。而。暴。屍。且。安。知。非。允。良。有。姦。究。治。果。與。叔。父。家。有。怨。

不但識能燭奸，抑且力能持正。

### 王受

王受爲東阿丞，邑民王虎當受重役，賂吏改其名曰田虎，兩人爭不決，受曰：「此必王虎也。」筆畫可增，請府籍質之，果王虎，遂伏罪。

姓名隨戶籍所繫，奸吏尚欲增改筆畫，何況其他。

韓彥古

韓彥古知平江府。至郡，有士人持吏短長投狀，以占能否。彥古曰：「此狀汝不能爲，必有吏人爲者。」其人錯愕，卽以實告。於是捕吏杖之，一郡以爲神明。

今士人之投狀，更有吏不能爲者，不可以古槩今也。

劉元瑜

劉元瑜知襄州。富人子張銳，少孤貧，同里車氏

規取其財，乃取銳。父妾他姓子，養之，比長，使自訴。陰賂吏爲助，元瑜窮治得奸狀，黥車竄之，人服其明。

他姓子爲父妾所出，世以爲爭端者不少。

### 李完

李完同知廣寧府，初遼濱民崔元入城飲，不歸，求得屍於水中，有司執同飲者訊之，皆誣。照舊例，刑司疑其冤，以獄界完，察其賊，乃舟師也。完同飲人。

得屍於水中其爲舟師易見

### 貢師泰

貢師泰爲紹興路推官山陰白洋港有大船三  
近岸史甲二十人適取鹵海濱見其無主因取  
其篙櫓而船中有二死人有徐乙者怪其無物  
而有死人以爲史等所刼首官史旣誣服師泰  
密詢之則里中沈丁載物抵抗而回漁者張網  
海中因盜網中魚爲漁者所殺寃皆白又有游  
徼徐裕以巡鹽爲名肆掠村落間一日遇諸暨

牧津

察奸

卷三十二

二十

商奪其所齋錢撲殺之。遂寘於水，走告縣曰：「我獲私鹽犯人，畏罪赴水。」官驗視，以有傷疑之。遂以疑獄釋師泰，追誦覆按之，具得裕所以殺人狀。又餘姚孫國賓獲姚甲造偽鈔，受賕而釋之，執高乙、魯丙赴有司，誣以同造偽鈔。高嘗爲姚行用，實非自造，而魯與孫有隙，故并連之。師泰疑高等覆造不合，以孫詰之，辭屈而情見，卽釋魯而加高以本罪。姚遂處死，孫以就法。

師泰臨斷，必欲窮情合法，自是明斷之本。

但取魚非不可解之讐、漁人何以輒殞其命、此寶尚未暢然、

### 江濬

江濬知真定縣、有黠少年衷石橐中、而假宿館人、旦發其裝、佯驚謂曰、是安得竊吾金而易之石乎、欲旦成、館人笞掠無所得、濬至、輒鞠其金所從來、曰、舉諸子錢家、備引子錢家、無應者、少年遂服罪、

幸此無賴子、不預僞子錢家以俟、不然、此

鞠亦未便得情

汪澤民

汪澤民爲平江路推官。僧淨廣與隣僧有隙。久不相周旋。衆約其輸平。隣僧因邀廣飲至醉。遂寢其室。廣弟子沈安素苦廣鞭笞。且期速紹其業。幸廣宿讐。夜持刀往殺之。明日鳴諸縣。隣僧不勝拷訊。乃誣服。獄上。澤民閱其刀。有鐵工名。召工驗焉。曰。此沈安刀也。逮安一訊。卽承。脫隣僧械。

夙讐之人，決無寤之已室之理，自當爲

疑竇

馬裕齋

馬裕齋知處州，禁民捕蛙，有一村民犯禁，乃將  
冬瓜切作蓋，剗空其腹，實蛙於中，黎明持入城，  
爲門卒所捕，裕齋心怪之，問曰：汝何時捕此蛙？  
曰：夜半有知者否？曰：惟妻知，卽追其妻詰之，乃  
妻與人通，俾妻教夫如此，又先往語門卒收捕，  
意欲陷夫於罪，而據其妻也，寘妻并姦夫于法。



只於夜半二字、便可體察、

周崑

周崑初授玉山令、賓旅行李、四方蜩集、晝夜相續無已時、崑盡謝私交、民力用蘇、邑民吳清妻外有私、殺夫以滅口、繫獄事不能決、崑夜訊之、忽一羊自外突入、長鳴者三、崑昌言曰、神告我矣、羊鳴三、殺清此三人也、有三人者、色動、蓋彼三人者、兇殘久秘、自計身混衆中、無以異、然中情已怯、一觸其隱、卽不自堅立、鞠之而服、士大

夫爲賦靈羊詩一少年挾艷婦從喪襯於郵亭  
崑見而怪其不哀心惡焉廉得其與主妾姦狀  
乃械繫少年遣人護歸其喪

靈羊詩不必賦殺人當衷謀之三人共事  
未有不敗露者

### 殷雲霄

殷雲霄知清江時邑民朱鎧死於文廟西廡中  
莫知殺之者忽得匿名書曰殺鎧者某也某素  
讐某衆謂不誣雲霄曰此嫁賊以緩治也密問

左右與鎧狎者譙對曰胥姚明雲霽乃集羣胥  
於堂曰吾欲寫書各呈若字視明字類匿名書  
詰之曰爾素狎鎧柰何殺之曰鎧將販於蘇獨  
吾候之利其貲故殺之耳

匿名書不問而獨問所最狎者竟得殺人  
之奸臨事有智

### 雍泰

雍泰知吳縣民有妾亡者妾父訟其夫密殺三  
月月匿屍湖中石下泰召其夫訊之夫曰三

逃兩月，跡求不可得。妾父脇財，始見死所，使人視其屍，乃訊父曰：夫密殺汝女，汝安知匿於石下？此又豈兩月屍耶？此必非汝女，汝殺他人女以旬賂耳，一拷而服。

石下之屍，其僞易知，然此妾畢竟於何着落？必如錢若水之推勘逃婢，則兩得矣。

李亨

李亨爲鄞令，民有業園者，茄初熟，隣人竊而鬻於市，民追奪之，兩訴于縣。亨命傾其茄於庭，笑

謂隣人曰汝眞盜矣果爲汝茄肯於初熟時併摘其小者卽遂伏罪

近情之照

甯直

甯直宣德間擢宿遷知縣寬廉平易遇事敏決州民張謹妻朱氏晝失金釵釧六事爲姑所撻幾死其兄弟訴於直直召朱問曰是日往來者何人曰有出嫁小姑并隣婦三人耳卽日召四婦人至則以布蒙其面坐之帳中使其伸足

帳外令隸曰此是盜金環者取大杖杖之一婦  
卽縮其足出而詢之乃小姑娘也一鞫卽服隣境  
楊氏兄弟五人爭產訟經年不能決越境來訴  
直命聽庭下累日引古人兄弟友愛者反復開  
諭之五人感悟請不復爭上元縣人有囊鈔五  
百貫爲人盜去訴於直直曰汝何所見荅曰只  
枕一石他無所見直曰柰何令人取石入城隍  
祠決而求之復以其狀焚於祠下人爭趨觀密  
令隸數人聽察衆中又有一人立門下凡觀者

出入皆索鈔一貫無鈔者不得出有二人私相  
語曰我知盜囊鈔者在此我與汝卽其門候之  
隸卒因以獲盜

此君大饒心計然事多近於戲惟感悟經  
年爭訟之兄弟乃爲善政耳

### 劉清惠公

劉清惠公麟爲紹興守善圖智以此聽訟輒得  
其情有盜市人來求之不得麟攝其隣居者數  
十人跪之於庭而漫理他事不問已厲聲曰

盜米者矣。其一人色動。良久復厲聲言之。其人愈益色動。公指之曰。第幾行第幾人。是盜米者。其人遂伏。又盜田園瓜瓠者。是夜大風雨。瓠蔓俱盡。麟疑其讐家也。乃令印取夜盜者足跡。布灰於庭。攝村中之丁壯者。令履其上。而曰。合其跡者。卽盜也。其最後一人。轉輾有難色。且氣促甚。公執而詢之。果讐家而盜者也。瓜瓠宛然在焉。又一行路者。於路傍枕石睡。囊中千錢盜去。麟令舁其石於庭。鞭之數十。許人縱觀不禁。

牧津

察奸

卷三十二

三



乃○潛○使○人○於○門○下○伺○之○有○窺○覷○不○入○者○卽○擒○之○  
果○得○一○人○盜○錢○者○也○聞○鞭○石○事○甚○奇○不○能○不○來○  
入○則○又○不○敢○求○其○錢○費○十○文○爾○餘○還○枕○石○者○人○  
誦○爲○神○

發奸摘伏在閭里小民最易起頌而清惠  
公守越之大政實不止此

### 戚賢

戚賢初授歸安縣自謂縣令得近民除道行失  
拊巡意斥去徒衛以二隸導前卽市肆交易鷄

猪羊牛布縷果薪充溢街衢不得收斂民旣稱  
便而壟斷罔貧弱者倉卒不及掩避卽易暴露  
民嘗夜被盜未曙賢謁廟出河剛聞舟中密語  
曰某之盜藏某所不識有司能覺否天且明遣  
人獲盜賊來具如所聞被盜家猶未知也賢素  
有心計善劑算能持小物得人情實縣有蕭總  
管此淫祠也豪右欲誣言三氣先賽廟廟壯麗  
特甚一日過之值賽期入廟中列賽者階下論  
以福禍恐其不解譬之曰天久不雨若能禱神

得雨則善。不爾。廟且毀。罪不赦也。昇木偶道橋上。竟不雨。遂沉木偶。如言。又數日。舟行。忽木偶自水躍入舟中。侍人失色。走曰。蕭總管來。蕭總管來。賢笑曰。是未之焚也。命繫之。顧岸傍有社祠。別遣黠隸。易服入祠。戒之曰。伺水中人出。械以來。已而果然。蓋策諸賽者心。且賄沒人爲之也。賢所至。使人抹過不暇。大抵若此。

戚公是從事學門中人。而明能照物。乃爾安在道學之必爲迂遠耶。

鄭洛書

鄭洛書初知上海縣，縣故劇，素稱難治，民喜訟。庭下常數百人，詞入悉受而遣之，聽其自息，有不息，徐數語折之，卽皆引伏。嘗於履端謁郡，歸泊海，只有沉屍壓以石磨，忽見之，嘆曰：此必客死。故莫余告也。遣人偵之，近村民家有石磨失其牡，執來相脗合，一訊卽伏。果江西賣卜人，歲晏將歸，房主利其財而殺之。又一夕舟行見焚屍者，詰之曰：吾嫂也。姑隨俗爾。數日有告母死。

無歸者。因憶向日道見火而不哀。豈其人耶。因  
逮來。集諸隣保訊之。衆云。此客無喪。亦無嫂。乃  
告者之母。莫行被殺。而奪其首。被發其家。藏首  
一一具在。有懷金渡海者。舟人沉之。其家不知  
也。旬日告發。乃盡呼舟人。其一已移之他渡。卽  
令解其首帕。密遣示其妻。問金。妻果以金至。囚  
乃伏。諸如此。皆麗法抵罪。無拘吏文。邑人稱快。  
爲令能逢事輒察。民間自無隱情。

馬文煒

馬文煒除河南確山令。敏於折獄。一日有求盜卒磔死於塗。卒母詣縣訟殺兒有主名。煒笑曰。去。令爲若跡之。已從園牆呼卒。故所捕盜李某。訊於庭。戒門者勿辟人。人爭前覲令。跡殺人何狀。煒遽傳令闔扉。盡訊諸闌入者。中有三人。胸李色動。立叱縛之。具服。故李使殺卒者也。某子甲與人共貶。夜行澤中。殺而奪之錢。詭言中盜死也。公察其色有異。下之吏。使吏給其母妻。甲事露。已自實。柰何。可急持所奪錢來。幸毋連坐。

母妻驚懼，探米罍中錢付吏，甲遂伏辜，諸所摘發多類此。

果能折獄

郭彭祥

郭彭祥弘治間守眉州，問刑明決，鄰封合州有兄弟二人，兄宦別省，其貲每託弟携歸，置產契券俱弟收掌，兄卒于官，嫂扶襯歸，弟絕無所與，又無籍可稽，嫂訴于州，訊不服，廼越境訴於郭，郭卽隱告者，取獄中賊指扳其弟姓名同盜，移

文本州械致詰曰汝與某人爲盜致富其弟三  
曰吾兄仕宦所得未嘗盜也固詰之詞甚詳一  
一錄記乃呼其嫂語之弟遂欵服還貲產

此婦一腔沉寃得此鉤致法甚快

### 文林

文林陞溫州府知府至則平市價程徃賦使貪  
漁斷割羣息咸植又明致性生元旦有人被殺  
死其家赴愬然無可踪跡乃禱之於神夢鷹三  
雛被風翻巢隕地心計郡有潘英者其人素不



狹津

卷三十三

卷三十三

三

良且姓名與夢合、執以訊之、一鞠而服、衆稱爲神明、

夢中之告亦誠心所感、

王士嘉

王士嘉年十二、賦古塔詩、劉中行見而奇之、永樂初、由太學生任大同山陰知縣、善斷疑獄、有瞽者賁錢百緡、臥城南荆樹下、覺而失之、訴于縣、士嘉佯言曰、此樹孽耳、出城按問、百姓大駭、傾城往視、因密捕其不往者、訊之、果服、代府內

藏失幣門戶扃鑰如故王召問士嘉士嘉視非  
人跡疑爲祖所竊乃以幣列庭伺羣祖過而覲  
之一祖果攫去因詰其主皆服追還府人以爲  
神

失錢問樹前人亦多用此小術但失幣不  
類人而便疑爲祖未聞有祖爲竊也



牧津卷之三十三目

矜慎

子羔

于公

袁安

二見

吳祐

陳臨

張華原

傅岐

辛祥

孔相循

喬智明

柳宗元

二見

趙晉

邵曄

張齊賢

二見

錢徽

歐陽觀

魏琰

范純仁

四見

蘇頌

四見

陸佃

趙抃

二見

姚仲孫

趙洽

李士衡

唐肅

王質

王平

王郁

王晦叔

强至

二見

余良肱

王德彝

魏 濤

王信中

石 皐

孫 沔 二見

葉南巖

林 積

黃 珂

張 曷 二見

鄒守愚

季 本

牧津卷之三十三

矜慎

明山陰祁承燦輯

子羔

子羔宰衛政，別人之足，衛亂。子羔走，郭門閉，別者守門，曰：于彼有缺。子羔曰：君子不踰。曰：于彼有竇。子羔曰：君子不遂。曰：于此有室。子羔入，追者罷。子羔將去，謂別者曰：吾不能虧損主之法，而親別子之足，吾在難中，此子報怨時也，何故逃我？別者曰：斷足固我罪也，無可奈何。君之治

臣也。顛倒法令，先後臣以法，欲臣之免于法也。臣知之，獄決罪定，臨當論刑，君愀然不樂，見于顏色。臣又知之，君豈私臣哉？天生仁人之心，固然也。此臣所以脫君也。

哀矜弗喜，不求人知，而人自知之。然據案剖決時，人情未有不以神明自快者。聞此能毋深省。

于公

于公東海剡人，爲縣獄吏，遷郡決曹，決獄平，罹



文法者、干公所決皆不恨、郡中爲生立祠、東海有孝婦、少寡無子、養姑甚謹、姑欲嫁之、終不肯、姑謂隣人曰、孝婦事我勤苦、哀其亡子守寡、我老、久累丁壯、柰何、姑自經死、姑女告婦殺我母、吏捕孝婦、辭不殺、吏驗治、孝婦自誣服、具獄上府、于公以此婦養姑十餘年、孝聞必不殺也、太守不聽、于公爭弗得、乃徙獄具哭於府上、因辭疾去、太守竟論殺孝婦、郡中枯旱三年、後太守至、卜筮其故、于公曰、孝婦不當死、前太守强

斷之咎。倘在是乎。於是太守殺牛、自祭、孝婦塚、  
因表其墓。天立大雨。歲熟。郡中以此大敬重于  
公。其閭門壞。父老方共治之。于公謂曰。少高大  
閭門。令容駟馬高車。蓋我治獄多陰德。子孫必  
有興者。至子定國。果爲丞相封侯。孫永爲御史  
大夫。

于公決獄。爲古今美談。只是一念惻隱。堅  
不可易。如抱獄具而哭於府。豈復計及見  
忤太守哉。故有仁心者。尤貴有定力。

袁安

袁安初爲縣功曹、奉檄詣從事、從事因安致書於令、安曰、公事自有郵驛、私請則非、功曹所持辭不肯受、從事慊然而止、後舉孝廉、除陽平長、任城令、所在吏人畏而愛之、永平中、楚王英謀爲逆、事下郡覆考、明年、三府舉安能理劇、拜楚郡太守、是時英辭所連及繫者數千人、顯宗怒甚、吏按之急、迫痛自誣死者甚衆、安到郡、不入府、先往按獄、理其無明異者、條上出之、府丞掾

吏皆叩頭爭以爲阿附反虜法與同罪不可以  
身試也安曰太守當爲天子廣恩理冤抑柰何  
顧身謀坐視數千人冤不理乎萬一有不合者  
太守自坐之不以相及也遂分明具奏帝感悟  
卽報許得出者四百餘家歲餘徵爲河南尹政  
號嚴明然未曾以賊罪鞫人常稱曰凡學仕者  
高則望宰相下則希牧守錮人於聖世尹所不  
忍爲也聞之者皆感激自勵在職十年京師肅  
然名重一時

袁邵公政號嚴明而作用一出之和藹此  
古○人○之○所○以○不○可○及○也○。○到○郡○不○入○府○而  
先○往○案○獄○此○非○真○有○痼○瘼○切○體○者○不○能○少  
有○名○根○必○避○形○跡○矣○

吳祐

吳祐舉孝廉遷膠東相以身率物吏人懷而不  
欺○。○裔○夫○孫○性○私○賦○民○錢○市○衣○以○進○其○父○父○怒○曰○  
有○君○如○是○何○忍○欺○之○促○歸○伏○罪○性○慙○懼○請○閣○持  
衣○自○首○祐○屏○左○右○問○其○故○性○只○談○父○言○祐○曰○掾○

以親故受污穢之名所謂觀過斯知仁矣使歸  
謝其父還以衣遺之有安丘男子毋丘長與母  
行市母爲醉客所辱長殺之繫獄祐哀其情問  
長有妻子乎對曰有妻未有子也卽移妻到解  
其桎梏使同宿獄中妻遂懷孕至冬盡行刑長  
泣謂母曰負母應死當何以報吳君乎乃齧指  
而吞之舍血言曰妻若生子名之吳生言我臨  
死吞指爲誓屬兒以報吳君因投繯而死

法外之仁所全不小齧指投繯情尤可憫

母丘長自是宇宙間男子惜未有以死  
與死忠相比。讞爲求生者是亦千古一遺  
恨。

陳臨

陳臨爲蒼梧太守有遺腹子報父怨捕繫獄傷  
其無子。今其妻入獄遂產一男人歌曰蒼梧陳  
若恩廣大。今定罪囚有後德叅古賢天報施其  
後子孫繁庶果符所祝。

旣係遺腹子又以爲父報怨犯罪此情自

當矜惻

張華原

張華原爲兗州刺史。獄有繫囚。歲旦謂曰。三。元。之。始。念。卿。幽。閉。今。給。假。五。日。足。得。展。謁。親。親。期。盡。還。也。果。應。期。而。至。

五日之假。於囚亦何益。而於法甚有損。不如。清。楚。犴。狴。時。其。衣。食。乃。有。真。切。之。惠。

傳岐

傳岐。翽之子。復除如新令。縣人有因鬪死。死家



訴郡郡錄其讐人考掠備至終不引咎郡移獄於縣岐卽令脫械以和言問之便卽首服法當償死會冬節岐乃放其還家竟如期而反太守深相嘆異遽以狀聞

脫械和言上無死心則下其死法

### 辛祥

辛祥爲并州北平府司馬有白壁還兵藥道顯被誣爲賊官屬咸疑之祥曰道顯面有悲色察獄以色其此之謂乎苦執申之月餘別獲真賊

祥終於安定王。樊征虜府長史。

獄有五聽，而察色其一端。

孔相循

孔相循權涖夷門軍府事。長垣縣有四巨盜，富有資產。及敗，則四貧民耳。時都虞候姓韓者，密使郭崇韜之僚壻也，與推吏獄典，同鍛其款。款成，斷令棄市。慮之無言，就法之際，因屢回首，相循疑，召問之，乃曰：實枉，且言適爲獄吏高其枷尾，遂不得言。卽命移于州獄鞫之。自韓已下，凡

數十人受賄約七千緡併以伏法、

重犯臨刑時尤不可不虛心質問、

### 喬智明

喬智明爲隆慮共二縣令、二縣愛之、號爲神君、  
部人張兌爲父報讐、母老單身、有妻無子、智明  
愍之、停其獄、歲餘、令兌將妻入獄、兼陰縱之、人  
有勸兌逃者、兌曰、有君如此、吾何忍累之、縱吾  
得免、作何面目、視息世間、於獄產一男、會赦得  
免、

此與吳祐之處母丘長相似、閱之令人惻然、

### 柳宗元

柳州民莫誠救兄、以竹刺其人右臂、經十二日死、準律以他物毆傷在事內死者、依殺人論、刺史柳宗元上狀觀察府、謂莫誠赴急而動、事出一時、解難爲心、豈思他物救兄有急難之義、中臂非必死之瘡、不幸致殂、揣非本意、按文固當恭守、撫事似可哀矜、律宜無赦、使司明至當之

心情或未安、守吏切惟輕之願。

閱此知毋丘長爲母、蓋當奏減矣、

### 趙晉

趙晉初仕周爲滁州軍事判官、宋太祖與言、奇之時獲盜百餘、當棄市、晉疑有無辜者、請更訊之、全活者甚衆、

百餘之盜、定有無辜、故決獄不嫌于慎重、

### 邵曄

邵曄知蓬州錄事參軍、時楊全知州事、性悍率、

戊午、於慎

不曉理道。部民李助十三人被誣爲劫盜。悉寘于死。曄察其枉。不書牘。白全願核其實。全不聽。乃取二人棄市。餘減死。械送闕下。翌日果獲正盜。全坐削籍爲民。曄代還。引對。宋太宗謂曰。爾能活我平民。深可獎也。面賜緋魚。錢五萬。命有司以全事戒諭天下。

活平民之錄事。何以便蒙人主之知。如此。則天下無冤民矣。

張齊賢

張齊賢通判衡州時鞠劫盜十餘人皆論死齊賢曰賢至活其失入者五人知州等相譴責齊賢曰齊賢豈欲委罪衆人而自爲已乎子令改正而已

改正一言最妙乃翻案之別名然可令初按者無愧色

錢徽

錢徽爲江州刺史有強盜劫貢船捕吏取濱江惡少年二百人繫訊徽按其枉悉縱去數日得

真盜、

二百人繫獄、所干和氣非淺、既知其枉、自應速縱、

歐陽觀

歐陽觀、廬陵人、修之父也、有學行、嘗爲泗綿二州推官、留心於讞獄、惟恐不得其情、嘗夜燭治官書、屢廢而嘆、妻問之、曰、此死獄也、我求生不得、爾妻曰、生可求乎、曰、求其生而不得、則死者與我皆無恨也、矧求而有得耶、以其有求而得、



則○知○不○求○而○死○者○有○恨○也○夫○常○求○其○生○猶○失○之○  
死○而○况○常○求○其○死○也○時○修○纔○三○歲○及○既○成○立○其○  
母○嘗○告○以○此○語○且○曰○吾○知○汝○父○之○必○將○有○後○也○  
厥○後○修○果○登○第○列○官○於○朝○遂○叅○政○事○  
嗟○乎○今○之○治○爰○書○者○直○求○人○死○法○耳○一○訊○  
牒○而○無○隙○可○駁○則○沾○沾○自○矜○寧○復○知○有○求○  
生○之○一○念○乎○

魏琰

魏琰知壽州盜殺寺童子有司執僧笞服琰廉

其非罪。命脫械縱去。一府爭以爲不可。後數日。得真盜。

琰自知真盜有在。故先以縱去爲媒盜之地。

### 范忠宣公

范忠宣公純仁尹洛日。最多惠政。其後爲執政時。其子自許展省河南及境。駐馬少憩村店。頃有翁從家出。注視其子。問曰。明公頤容。上類丞相。非其家子乎。曰。然。翁不語。入所居。具冠帶出。

拜其子愕然不受翁曰某有欲言拜訖謂其子  
曰昔丞相尹洛某年四十二矣平生初知守分  
畏法偶以意外爭鬪事至官得杖罪丞相晚坐  
吏引某寒裳行刑丞相見某容貌循謹膚體完  
素命至廡前問曰吾察爾非惡人膚體無傷何  
爲至此某以情告且致欲自新之意丞相曰爾  
果能自悔乎某感泣應命卽命免罰放出非特  
某得爲完人此鄉化之至今無鬪爭者

良民註誤實自可矜村翁見其子如見范

公○當○日○全○人○肢○體○者○所○感○深○矣○完○一○人○而○一○鄉○化○據○堂○皇○而○視○事○者○慎○毋○以○敲○扑○供○喜○怒○哉○

蘇頌

蘇頌知亳州有豪民婦被罪當杖以病未科每旬檢校未愈鄧元孚謂其子曰尊公平昔以政事稱豈可爲一豪婦人所紿但謂醫者如法檢校彼自不誣矣其子白之公曰萬事付公議何容心焉若言語輕重則人情觀望或有可悔旣

而此婦死、元孚大慚、服曰、某輩狹小、豈可測公之用心、

雖曰事付公議、其實滿腔惻隱、故不暇論其給不給也、言語輕重、人情觀望、真是當官坐右箴、

陸佃

陸佃知江寧府、句容人盜嫂、害其兄、別誣三人同謀、既皆訊服、一囚父以冤訴、通判以下皆曰、獄已成、不可變、佃爲閱實、三人皆得生、

三人死而盜嫂害兄之人生矣、有此宇宙乎、獄之不可以一成而不變也、可爲永鑑、

趙清獻公

趙清獻公朴出察青州、每念一人入獄、十人罷業、株連波及、更屬無辜、且獄禁中夏有疫痢、溼蒸、冬有瘴瘕、凍裂、或以小罪經年桎梏、或以輕繫迫就死亡、獄卒囚長、需索凌辱、尤可深痛、時令人馬上飛弔、監簿查看、以獄囚多少、定有司之賢否、行之期年、郡州縣屬吏、無敢妄繫一人、

者邵堯夫每稱道其事

真是不忍一物失所者方能心體中時  
切此念馬上飛弔監簿此法在監司臺尤  
當時時行之清獻公非守令時事而此條  
與守令更切特纂入之

### 姚仲孫

姚仲孫大中祥符中爲許州司理叅軍時王嗣  
宗知州事民有被盜殺者其妻訴里胥責賄其  
夫不與而怨此必盜也乃捕繫獄將傳以死而

仲孫疑之。嗣宗怒曰：「若保非盜也耶？然亦不敢遽決。後數日，果得真盜者。嗣宗方喜曰：『審獄當如是也。』再調邛州軍事推官，改資州轉運使，檄往富順監按疑獄，而全活者數十人。」

里胥之生全，賴仲孫一疑，所以不敢遽決。不然，決後而得真盜，亦無救于寃者矣。

### 趙洽

趙洽知永新。偶謁告，聞榜笞聲，乃獄吏受財，乘間掠囚，使誣服也。亟置之法。



乘間掠囚、此是相沿風害、余三爲郡邑、治  
獄之法、尤所關心、每一聽訟、必於法萬不  
可寬者、方付之獄、初入時、尤必嚴禁獄卒  
牢頭凌辱之害、其久在囚圜者、如夏月上  
午、聽其在西廊、下午聽其在東廊、以避炎  
日、蒸溼、則時給以蒼朮、栢香之類、冬則束  
草布絮、病則藥劑、粥飲、皆以時給、給必躬  
親、病監一室、使病囚得處其中、不至以時  
疫遍染、爲惠更大、囚糧尤不可聽獄吏乾

沒顆粒如此軫惻然大盜劇犯其鎖鑰必  
堅必緊絕此輩跑踴跳擲之念正所以安  
全一獄寄命之人余歷官所至從來無逸  
獄之累亦以人心感而用法周敢附此以  
告於司牧

李士衡

李士衡爲鄆縣主簿田重進守京兆命士衡鞠  
死囚五人活者四人重進卽其家謂曰有陰施  
此門當高大之

此必四人有活理不然有意爲陰施則廢法矣

唐肅

唐肅爲秦州司理叅軍有商人遇逆旅而同宿首殺之亡去血沾商人衣爲捕吏所執州趣具獄肅探知其寃持之後數月果得真殺人者每見証殺人者往往以血沾衣裙爲據此殊不然

王質

王質、祐之孫、通判蘇州、與知州黃宗旦數爭事、嘗以病告歸、一日宗旦因言省視獄、有盜錢百餘人、吾以術陰鉤得之、質曰、弋不射宿、惡陰中於物也、今殺數人、而徒流者又數十百人、公中之也、宗旦矍然大驚、爲貸其死罪、而餘悉輕出之、嘗攝江陵府事、或訴民約婚後期、民言貧無貲以辦、故違約、質問其費幾何、出私錢與之、吏捕盜人衣者、盜叩頭曰、平生不爲過、迫饑寒而至此、質命取衣衣之、遣去、

鈎索得情、既非光明正大之體、尤非哀矜  
惻隱之心、予野一語、心體畢露、真仁人之  
言也、然宗旦能矍然驚貸、可見善導之下、  
未嘗無良心、

### 王平

王平爲許州司理、里中女乘驢單行、盜殺諸田  
間、褫其衣而去、驢逸、因傍家收繫之、吏捕得驢  
指爲殺女者、平意疑甚、州將趣具獄、持益堅、數  
日、河南逃移至許、核之、乃實殺女子者、州將謝

曰微司理幾誤殺平民、

疑貴執信貴斷維明維允。臯陶之所以作士也。

王郁

王郁爲濠州判官將死告家人曰吾歷官踰五十年慎于用刑活人多矣後必有興者其孫王欽若果大顯、

有意望報於造物乎、

王晦叔

王晦叔知潞州時有殺人獄已具晦叔察情非是而面訊之其人自謂不獲真殺人者無免理終不自明僚屬皆言無足疑因留不決而密以物色捕殺人者得之作辯獄記以戒理官

惜不得其辯獄記讀之

强至

强至初爲婺州浦江令時有民與其母稅邸舍於道客有過者暴病未及聞縣而死縣尉希功往執其母榜之其子惶恐卽自誣殺客至爲研

核得其情而釋之

尉幕胥役妄執希功之弊司牧者不可不究心痛除

### 余良肱

余良肱初爲荆南司理有捕盜殺人者旣自誣服良肱獨以驗其屍與所用刃疑之曰豈有刃盈尺而傷不及寸白請詳捕獲真殺人者刑貴能疑疑則自饒生趣

### 王德彝



王德彝判沂州、儒生乙恕、郊居肄業、一日有橫屍在舍側、邏者見之、捕恕送官、獄具、將伏法、德彝疑其寃、命別司鞫問、亦如之、固令緩刑以俟、未幾、果獲賊、恕乃得釋。

橫屍在舍側、決非舍中人所爲、此儒生自不合死。

### 魏濤

魏濤知沂州、永縣兩讐鬪而傷、旣決遣而傷者死、濤求其故而未得、死者子訴與監司、監司怒。

有惡語、濤嘆曰、官可奪、囚不可殺、後得其實、乃因是夕罷歸、騎及門而墮死、隣証旣明、其誣遂解、

死之故多端、抵之途惟一、所以決獄、最不可不慎、

王信中

王信中爲溫州知府、屬邑奸民至京、告其鄉人嘯聚、臺檄布按官請府治之、信中力抵其誣、一三、餘人、又塗殺一家三人者、詞連

無辜累年信中至乃具文虔告城隍遂得其情  
一草一木亦造物生機誣死至三百餘人  
寧忍不以一身爲請命

### 石臯

石臯守定州唐縣人王謀爲亂書其縣人姓名  
於籍無慮數千人其黨持籍詣州發之臯至鞠  
治是時冬月臯抱籍上廳事佯爲頓仆覆其籍  
爐火中盡焚之不可復得其姓名止坐爲首者  
餘皆盡釋

焚其籍而能寢其事則可，不然捕風追影，爲害更劇。予謂臯之立心則厚，而處事則穢。

孫沔

孫沔爲趙州司理參軍，時盜發，屬縣爲捕者所迫，乃棄其刀兵，并藏所盜贓於民家，後卽其家得會飲者十六人，適如其數，捕繫縣獄，掠使服罪，法皆當死，以具獄上，沔疑其枉而留訊之，州將怒，然終不敢決，未幾得真盜，州將反喜，謂沔

曰、微子、吾何自得脫耶、

盜置賊於民家、民何以不覺、又何以會飲之人、適符其數、孫公之疑、似有神識、

### 葉南巖

葉南巖刺蒲時、有羣閹者訴於州、一流血被面、經重創、腦幾裂、命懸旦夕、公見之、惻然、時家有刀瘡藥、公卽起入內、自搗藥、令舁至幕廳、委一謹厚廳子及幕官曰、善視之、勿令見風、此人死、汝輩責也、其家人不令前、乃畧加審覈罪狀、

救其讐家於獄，餘皆釋之。一友人問其故，南巖曰：「凡人爭鬪，無好氣。此人不卽救死矣，此人死，卽償命者一人，寡人之妻，孤人之子者幾人，干証連係者幾人，破家者幾人，此人愈特一鬪毆罪耳。人情欲訟勝，雖于骨肉亦甘心焉，無所恤忿憤故也。未幾傷者果平復，而二家之訟遂息。」

公心術之仁厚如此。

其刀瘡藥方，端午日取韭葉搗汁，和石灰，煎熟爲餅，卽止腫，骨破亦合，有奇効。

仁人之言，仁人之術，卽此一念，千萬姓裨。

福可知、于公之門焉得獨高、

林積

林積爲循州判官、覆強盜獄、多平反、忤部使者意、初欲薦積、因是已之、積笑曰、失一薦章而生全五十八人、吾何憾焉、

豈特失薦章、卽以一身易五十八命、猶當含笑、

黃簡肅公

黃簡肅公珂、令龍陽、有富民楊洪、幼畜一女、長

爲內壻壻事遊惰洪屢撻之乃逸去有警家衙  
之乃嗾其母以謀殺奪室訴於縣獄久不決警  
家復以他腐軀報其母母信之冒穢舐其耳目  
人皆信爲真珂獨疑之縱洪寬閒之所人謂受  
賄至標榜於門珂見之一笑畧不問益密訪之  
踰旬月果得其壻迺召其母還之立釋洪獄人  
皆以爲神

舐腐軀之首惑婦人而使之信爲已子原  
不足爲的據惟是受賄之諉及問而定見



不爲所撓。非真心惻怛者。不能此與。然  
水斷女童之事。前後如出一轍。余故不  
公用法之慎。而特重公誠心之求。

張昂

張昂知鉛山縣。有買薪者嗜鱸。得薪直以半市  
鱸。烹食之。一日乘饑恣啖。頃之。腹痛而死。隣疑  
其妻毒殺之。執送官。掠訊無他狀。械繫踰年。詢  
初蒞任。有綠袍黑幘者。自外冉冉入。左右俱不  
見。至前。長揖曰。吾某鄉土神。鄉者冤獄。願公雪。

之。昺問其故。神曰。其中鱔毒死。非妻殺也。試置羣鱔於水盞中。有昂首出水者。必殺人。烹以啖狗。狗必死矣。言訖不見。昺如言試之。果驗。遂釋其妻。

大凡辨疑。尤須窮物。

鄒守愚

鄒守愚出守廣州。訟劇政禁。多宿蠹。守愚一處以至誠。事存矜惻。嘗辨誣獄。釋累歲繫不決者。至數百人。有庖人烹雞。雜以茄羹。色黑。御史以

爲毒已也。坐以重辟。守愚獨疑之。令人如所具  
烹焉。亦黑。乃力爭御史前曰。職誠不忍見一無  
辜。伏死地。御史悟。竟釋之。政聲於是大振。值歲  
饑。設策賑濟。民賴以甦。新會民激於徵遺。乘海  
艘爲變。監司招之不應。曰。必鄒使君來也。守愚  
單騎往。民望見。輒涕泣解散。

不以疑事殺一無辜。於直指心地。亦自愜  
然。

季本

季本爲建寧府推官、遇事敏決、庭無留獄、嘗斷重獄、事已麗辟、爰書俱就、後覺其誤、大悔之、比擢去、悉爲記達諸司、今後斷者得據記以解、其訟過之勇如此、

成心難化、名根更難化、非仁心爲質、而鎔以學問者不能、